

آبونه شرافتی : هر رايه
سنه لى (٤٠٠) اتى ايلنى
(٢٢٥) ممالك اجنيه ايجون
سنه لى (٤٥٠)، آلى آيلنى
(٢٥٠) غروشد.

نسخه سى ٧,٥ غروشد.
سنه لى ٥٢ عدد در.

اداره خانه : باب عالي جاده سنده
رشيد افندى خائنده

اخطارات
آبونه بدلى پشيندر.


مسلكه موافق آثار مع المنونيه
قبول اولنور . درج ايدلن
يازير اعاده اولنماز .

والله يهدى من يشاء الى صراط مستقيم

باش محرر
محمد حاكف

صاحب و مدير
اشرف اديب

اتبعون اهدكم سبيل الرشاد



آبونه سنى : هر رايه
غروش كوندر ليلدر .

مكتوبلرك امضالرى واضح
واوقونا قلى اولسى وآبونه
صره نومرو سنى محتوى
بولونسى لازمدر

ممالك اجنيه ايجون آبونه
اولنرك آدرس لرينك
فرانسجه يازلسى رجا اولنور.

پاره كوندر لدكى زمان نهيه
داثر اولدنى بيلد رلى
رجا اولنور

مصرده مولد النبی :

(قاهره) دن صوك پوسسته ایله كان غزته لرده اوقوندیغنه کوره بوسنه مصرده « مولد النبی » پک معظم احتفالات و تظاهرات ایله تسعید اولونمشدر . مصرک پانخانی اولان (قاهره) ده عباسیه میدانی فوق العاده کوزل بر شکله تنظیم اولونمش ، هر حکومت دائره سی نامه مکلف بر اوتاغ قورولمشدر . مصر مواصلات ، مالیه ، حربیه ، عدلیه ، معارف ، داخلیه و سائر نظارتلر و مصر مجلس ملیسی نامه قورولان اوتاغلرک اورتیسنده مصر حکمداری نامه بر اوتاغ قورولمشدر . بو اوتاغک صاغنده طرق صوفیه شیخ المشایخی (سید عبدالحمید البکری) نک و طرق صوفیه نک متعدد چادرلری قورولمشدر . بوسنه مصر حکمداری بالذات احتفالانه اشتراک ایتدیکندن باش وکالت وکیلی محمد سعید پاشایی کندی طرفدن کوندرمشدر . موسی ایله مولد کونی عباسیه میدانه کلهرک هر سینه اولدینی کی ارباب طریقتک رسم کچیدینی تمشا ایتمشدر . مصرده اوتوز درت طریقت بولوندیغندن بونلرک کچیدی بر بقیق ساعت دوام ایتمشدر . مصرک وزرا و کبراسی بونلرک طاشیدقلری معظم بایراقلری حامل اولدقلری و باشلرنده آتیه بینن طریقت شیخی بولوندینی حالده بونلرک دورینی سیر ایتمشدر .

هر قافله کچدکجه یو کسک رسسله فاتحه شریفه فی تلاوت ایدیوردی . بونلرک مرورینی متعاقب طرق صوفیه شیخ المشایخک اوتاغنده اوقونان مولد نبوی وزرا ، علما ، مأمورین و اعیان طرفدن استماع ایدلمشدر . نائب حکمداری ده مصر حکمداری نامه بومراسمه حاضر بولونمشدر .

کیجه این بوتون عباسیه میدانی بر بلده نور حالی آلمشدر . بوتون اوتاغلرده یاییلان تنویرات بو قوجه میدانی کوندوزه چوریمشیدی . هر اوتاغده قرآن کریم ترتیل ایدیلدور ، اوراد و اذکار ایله مشغول اولونیوردی . صباحه قدر دوام ایدن بوتسعیدادن صوکره ۱۲ ربیع الاول کونی امام حسین حضرتلرینک جامع کیرنده ده رسمی و عمومی تظاهرات ایچنده مولد نبوی قرائت اولونمشدر . انکلترونک مصر حمایه سیفی اعلانندن مقدم ، یعنی اون سنه اول ۱۲ ربیع الاول صباحی امام (حسین) جامع شریفنده مولد نبوی تورکجه اوقونوردی . انکلیز حمایه سنک اعلانندن بری تورکجه مولد نبوی عربجه اوقونمنه باشلامشدر .

بو احتفالات یالکیز (قاهره) یه منحصر قالماش و مصرک بوتون مراکزنده عینی تسعیدات یاپلمشدر .

مصر مسئله سی :

سمد زغلول پاشانک بیانات واقعه سندن آکلاشیلدیغنه کوره مشارلیه

لوندرده بولوندینی ائساده انکلترونک باش وکیلی ماقدونالد ایله اوچ کره کوروشمشدر . برنجی ملاقاتده زغلول پاشا سودانی مصرک اجزای متعنه سندن عد ایتدیکنی ، سودانک مصر دن نفریق ایدیلیمه جکفی و انکلیز وصایتته ترک اولونامیه جغفی سویله مشدر . ایکنجی ملاقاتده مصر باش وکیلی ، مصرده انکلیز اشغال عسکرینک بقاسنه ، یاخود مصر دوائر حکومتنده عدلی مستشار ، مالی مستشار کی انکلیز مأمورلرینک قالمه سنه ، انکلترونک مصر مناسبات خارجیه سنه حاکم اولماسنه ، انکلترونک مواصلات یوللرینی ، اقلیتلری و اجنیلری حمایه ایتک کی درمیان ایتدینی ادعایه محل اولمادیغنی و بونلرک قبول ایدیلیمه جکفی بیان ایتمشدر . اوچنجی ملاقاتده انکلترونک باش وکیلی مصرده مسلح بر انکلیز قوتنک بولونماسی لازم کلدیکنی ، بوقوتک یالکیز سویش قانانی حمایه ایدیمه جکفی و مصر امورینه مداخله ایتیمه جکفی و بر اشغال عسکری ماهیتنی حائر اولمایه جغفی درمیان ایتمش ؛ مصر باش وکیلی ده سویش قنالتک بین الملل بر کچید اولدیغنی بو خصوصک ۱۸۸۸ ده استانبول قونفرانسده بوتون دوللر طرفدن قبول ایدلدیکنی ، سویش قنالتک جمعیت اقوام حمایه سنه تودیع اولونابیلیمه جکفی سویله مشدر . (ماقدونالد) بو ملاحظاتی قبول ایتیمش و کندی نقطه نظری اوزرنده اصرار ایتمشدر .

بونک اوزرینه زغلول پاشا (ماقدونالد) ک بربحران سیاسی ایچنده بولوندیغنی ، بو بحرانک نتیجه سی بکله مکدرسه مصره عودتک ده موافق اوله جغفی کورمش و بناء علیه مذاکرانی کسهرک مصره عودت ایتمشدر .

مکه مکرمه صوک وضعیت :

۱۸ تشرین اول تاریخی (ده بیلی تلفراف) معلومات آتییه ی ویریور : حجازده کی انکلیز منابعدن آلمان معلومات ، برق کون مقدم (مکه) مکرمه) یه کیرهن و هایلرک ابراز شدتن و یغما کرلکدن اجتناب ایتدکلینی تأیید ایتمکده در . بو معلوماته کوره و هایلر ، حسیات دینییه جریحه دار ایدیمه جک هیچ بر حرکتده بولونمادقلری کی اما کن مقدسه یه هیچ طوقونما مشلدر . (مکه مکرمه) ده کی و هایلرک کیتدکجه تزیید ایتدکلی آکلاشیلیور . سفک دمایی موجب اولاجق تشوشات و اغتشاشاتک وقوعندن قورقولمده در . برمدت مقدم نجد سلطانی (ابن السعود) (جده) یه بر مکتوب کوندره درک (مکه) یه کیرمکی نیت ایتدیکنی ، فقط خلقک هیچ برشیدن قورقاملری لازم کلدیکنی بیان ایتمشدر . وهابی مجلس حربی ، قوای کلیه نک (مکه مکرمه) خارجنده قالماسنه قرار ویرمشدر .

ادرنه امام و خطیب مکنتنک لغوی

صوک دقیقه ده (پاشا ایلی) غزته سنده اوقوندیغنه کوره ادرنده موجود امام و خطیب مکنتنک لغو ایدلدیی معارف و کالتندن ادرنه ولایتته تبلیغ اولونمشدر .